

4
16
夢

宋

吳自牧著

梁

錄

上

進步書
局校印

夢梁錄序

昔人卧一炊頃而平生事業歷皆偏及覺則依然故吾始知其為夢也因謂之黃
梁夢矧時異事殊城池苑囿之富風俗人物之盛焉保其常如疇昔哉緬懷往事殆
猶夢也名曰夢梁錄云脫有遺闕識者幸改正之毋哂甲戌歲中秋日錢塘吳自牧
書

夢梁錄目錄

卷一

正月

元旦大朝會

立春

元宵

車駕詣景靈宮孟饗

二月

八日祠山聖誕

二月望

卷二

三月佑聖真君誕辰附

諸州府得解士人赴省闈

蔭補未仕官人赴銓

清明節

諸庫迎煮

州府節制諸軍春教

二十八日東嶽聖帝誕辰

暮春

卷三

四月

皇太后聖節

宰執親王南班百官入內上壽賜宴

皇帝初九日聖節

僧寺結制

五月 重午附

士人赴殿試唱名

卷四

六月 崔真君誕辰附

七月 立秋附

七夕

解制日 中元附

八月

中秋

解閣

觀潮

卷五

九月 重九附

明禋年預教習車象

明堂差五使執事官

駕出宿齋殿

五輅儀式

差官輓祭及清道

駕詣景靈宮儀仗

駕回太廟宿奉神主入室

駕宿明堂齋殿行禋祀禮

明禋禮成登門放赦

郊祀年駕宿青城端誠殿行郊祀禮

卷六

十月

孟冬行朝饗禮遇明禋歲行恭謝禮

十二月

除夜

立冬

十一月冬至

卷七

杭州

大河橋道

小河橋道

西河橋道

小西河橋道

倚郭城南橋道

倚郭城北橋道

禁城九廂坊巷

卷八

大內

德壽宮

太廟

景靈宮

萬壽觀

御前宮觀

西太乙宮

佑聖觀

顯應觀

四聖延祥觀

三茅寧壽觀

開元宮

龍翔宮

宗陽宮

卷九

三省樞使諫官

六部

六部監門

諸寺

祕書省國史敕令附

諸監

大宗正司

省所

六院四轄

三衙

閣職

監當諸局

諸倉

內司官

內諸司奉安

卷十

諸官舍

府治

運司衙

后戚府

諸王宮

家廟

館驛

本州倉場庫務

點檢所酒庫

安撫司酒庫

廂禁軍

防隅巡警

帥司節制軍馬

卷十一

諸山巖

嶺

諸洞

溪潭澗浦

井泉

池塘

堰閘渡

卷十二

西湖

下湖

浙江

城內外河

湖船

江海船艦

河舟

卷十三

兩赤縣市鎮

都市錢會

園行

鋪席

天曉諸人出市

夜市

諸色雜賣

卷十四

祠祭

山川神

忠節祠

仕賢祠

古神祠

土俗祠

東都隨朝祠

外郡行祠

卷十五

學校

貢院

僧壇寺壇

城內外諸宮觀

城內外寺院

古今忠烈孝義賢士墓

歷代古墓

卷十六

茶肆

酒肆

分茶酒店

麵食店

葷素從食店諸色點心事件附

米鋪

肉鋪

養鋪

卷十七

歷代人物

狀元表

武舉狀元

后妃列女

歷代方士

歷代方外僧

行孝

卷十八

民俗

戶口

物產

穀之品 絲之品 帛之品 貨之品 菜之品 果之品 竹之品

木之品 花之品 藥之品 禽之品 獸之品 蟲魚之品

免本州歲納及苗稅

免本州商稅

恩需軍民

恤貧濟老

卷十九

園圃

瓦舍

塌房

社會

閒人

僱覓人力

四司六局筵會假賃

卷二十

嫁娶

育子

妓樂

百戲伎藝

角觚

小說講經史

夢梁錄目錄終

夢梁錄卷一

宋 錢塘吳自牧著

正月

正月朔日謂之元旦俗呼為新年一歲節序此為之首官放公私僦屋錢三日士夫皆交相賀細民男女亦皆鮮衣往來拜節街坊以食物動使冠梳領抹緞匹花朵玩具等物沿門歌叫關撲不論貧富遊玩琳宮梵宇竟日不絕家家飲宴笑語諠譁此杭城風俗嚆昔侈靡之習至今不改也

元旦大朝會

元旦侵晨禁中景陽鐘罷主上精虔炷天香為蒼生祈百穀于上穹宰執百僚侍班于宮門之次猶見疎星遠建章但禁門未啟而蝦蟆梆鼓並作攢點即放魚鑰闔闔門下方啟龍闈執挺人傳呼頭帽翫紛然衛士雜廷紳報到闈開百僚聯轡入宮城簇擁皆從殿廡行遇大朝會駕坐大慶殿有介冑長大武士四人立於殿陛之角謂之鎮殿將軍殿西廡皆列法駕鹵簿儀仗龍墀立青涼繖十把效太宗朝立諸國王班次如錢武肅孟蜀王等也百官皆冠冕朝服諸州進奏吏各執方物之貢諸外國

正副賀正使隨班入賀。百僚執政俱於殿廊侍班。而閣門催班吏高喚云。那行吏進序班立畢。內侍當殿厲聲問班齊未。禁衛人員隨班奏班齊。千官聳列朝儀。整已見龍章轉御屏。日表纔瞻臨玉座。連聲清蹕震班庭。上御正衙。有綠衣吏執儀劍突趨殿前。聲訐厲不可曉。乃大噓走辦耳。宰執百僚聽召宣領班舞蹈。皆稱壽再拜。聲傳折檻邊。禁衛人高聲嵩呼。聲甚震。名為繞殿雷。樞密臣候稱壽畢登殿。立折檻側。百僚俱鞠躬聽制。宣制曰。履茲新慶。與卿等同朝賀畢。就殿賜燕。宰執百僚外國正副使人。次日就館賜宴。使副及三節人俱與焉。翼日至明慶靈隱等寺燒香。次至玉津御園射弓。朝家選能射武臣伴射。就園賜宴。先列招箭班士十餘人于垛子前。使人多用弩子射。其班士裹無腳小帽子。錦襖子。路開弩子。舞旋搭箭。過與使人。彼窺得端正。止令使人發牙。例朝廷差來伴射武臣用弓箭。中的則得提上賜闌裝銀鞍馬匹。衣帛金銀器物有差。迎迓還舍。觀者紛然。如朝使人朝辭。賜宴餞行。仍賜馬匹銀帛禮物甚盛。三節人依例給賜而去。

立春

臨安府進春牛于禁庭。立春前一日。以鎮鼓鑼吹妓樂。迎春牛往府衙前迎春館內。

至日侵晨郡守率僚佐以綵仗鞭春如方州儀太史局例于禁中殿陛下奏律管吹灰應陽春之象街市以花裝欄坐乘小春牛及春幡春勝各相獻遺與貴家宅舍示豐稔之兆宰臣以下皆賜金銀幡勝懸于幘頭上入朝稱賀

元宵

正月十五日元夕節乃上元天官賜福之辰昨汴京大內前縛山棚對宣德樓悉以綵結山沓上皆畫群仙故事左右以五色綵結文殊普賢跨獅子白象各手指內五道出水其水用轆轤絞上燈棚高尖處以木櫃盛貯逐時放下如瀑布狀又以草縛成龍用青幕遮草上密置燈燭萬盞望之蜿蜒如雙龍飛走之狀上御宣德樓觀燈有牌曰宣和與民同樂萬姓觀瞻皆稱萬歲今杭城元宵之際州府設上元醮諸獄修淨獄道場官放公私餽屋錢三以寬民力舞隊自去歲冬至日便呈行放遇夜官府支散錢酒犒之元夕之時自十四為始對支所犒錢酒十五夜帥臣出街彈壓遇舞隊照例特犒街坊買賣之人並行支錢散給此歲歲州府科額支行庶幾體朝廷與民同樂之意姑以舞隊言之如清音遏雲掉刀鮑老胡女劉宸喬三教喬迎酒喬親事焦鉗架兒仕女杆歌諸國朝竹馬兒村田樂神鬼十齋郎各社不下數十更有

喬宅眷渾龍船踢燈鮑老駝象社官巷口蘇家巷二十四家傀儡衣裝鮮麗細旦戴
花朵肩珠翠冠兒腰肢纖袅宛若婦人府第中有家樂兒童亦各動笙簧琴瑟清音
嘹亮最可人聽攔街嬉耍竟夕不眠更兼家家燈火處處管絃如清河坊將檢閱家
奇茶異湯隨索隨應點月色大泡燈光輝滿屋過者莫不駐足而觀及新開門裡牛
羊司前有內侍將苑使家雖曰小小宅院然裝點亭臺懸挂玉柵異巧華燈珠簾低
下笙歌並作遊人玩賞不忍捨去諸酒庫亦點燈毬喧天鼓吹設法大賞妓女羣坐
喧嘩勾引風流子弟買笑追歡諸營班院子法不得與夜遊各以竹竿出燈毬于半
空遠觀若飛星又有深坊小巷鋪額珠簾巧製新裝競誇華麗公子王孫五陵年少
更以紗籠喝道將帶佳人美女遍地遊賞人都道玉漏頻催金雞屢鳴興猶未已甚
至飲酒醺醺倩人扶著墮翠遺簪難以收舉至十六夜收燈舞隊方散

車駕詣景靈宮孟饗

十六夜收燈畢十七早五更二點禁中催班從駕官僚入殿起居訖出殿門外俱立
馬于學士院恭俟駕興而殿東折檻下快行家皆執金蓮燭炬以俟登輦駕出和寧
門詣景靈宮行春孟朝饗禮前後兩行絳燭燈籠導引駕行向有寶謨學士趙師畢

詩風傳御道蹕聲清。兩道紗籠列火城。雲護帝尊天未曉。衆星環拱極星明。駕近景靈宮前。撤去黃蓋。方入宮門。此見君王虔孝之忱。至宮幄少歇。奉常更奏行禮。內侍捲簾班導。上御黃道。步至殿前。崇禋館道士二十四員。在殿墀下。叙立。舉玉音法事。上登殿行禮。自西至東。步而入。內侍下簾。先自前殿中殿。次後殿。虔恭行禮。以遵奉先思孝之家法。禮畢。外廊賜從駕官食。而後對宣引宰臣以下。入行殿。賜茶。駕還內。其親從官皆頂毳頭。大幅紅纈錦團搭。戲獅子衫。鍍金天王腰帶。各執骨朶。文武官皆頂雙卷腳幞頭。紅上大搭。天鵝結帶。寬衫。輦官頂雙曲腳幞頭。紅纈團花衫。鍍金束帶。殿前班直頂兩腳屈曲幞頭。著緋結帶。望仙花衫。跨弓劍。乘馬一。扎鞍轡。執纓絛。前導數內有東三班。謂之長入。祇候幞頭。後各以青紅頭鬚繫之。以表忠節之意。御龍直幞頭。一脚指天。一脚曲。著方勝纈衫。花看帶。鍍金束帶。執從物如校椅。金花唾盂。水罐。次鐺。乘壘。龍鳳掌扇。纓絛之類。及執黃羅珠子。蹙百花背座御椅子。並腳踏快行家頂短小帽子。露丰青頭巾。帶金巾。環繡體腰紅纈衫。金束帶。懸花看帶。手執御校椅。金花瓶。獸爐香座。御靴。纓絛。玉拄杖。小黃羅織御扇等物。俱搭步行。俱口鳴打打頭起之音。諸司庫藏各用金刻字紅牌前執。後以黃羅罩籠扛擡前導。有本